

史記扁倉傳補注

上



史記扁鵲倉公傳補註

蘭村署



南京中医药大学图书馆版权所有

成都張氏
版權所有



南京中醫藥大學圖書館版權所得

敘曰醫道之不張也自史家傳方技始夫醫之爲道至大豈方技之流亞哉班固漢書藝文志曰方技者生身之具王官之一守也今其技術晦昧故論其書以序方技書凡醫經七家二百一十六卷經方十一家二百七十四卷皆著於錄後世史家宗之爲方技彙傳與日者龜策同科至謂凡執一藝以事其上者皆賤業也醫業旣賤則搢紳文學思古之士往往鄙夷不屑而操其業者類皆不學無術市井庸陋之徒經絡不能明俞募不能通陰陽未知參決九候毫無髣髴省疾處方但憑口給游食江湖遭人唾棄醫道曰卽於微品流因而愈下

彼忌醫者甚且演爲俳優雜劇形容醜態以供人笑樂
嗟夫醫道之不張則生民之禍烈如此之倫將日者
筴之不如又安知道之所在哉故湘鄉曾氏目醫爲小
人曲園俞氏廢醫而發論誠非過激矣史遷作史記
扁鵲倉公列傳第四十五其自序曰扁鵲言醫爲方者
宗後世修序不能易也而倉公近之史遷之識可謂獨
高千古矣而司馬氏索隱張氏正義乃謂扁倉傳宜與
日者龜筴相接是拘拘於史家方技彙傳之例而不知
醫之爲道至大也夫醫之爲道卽軒岐之經所謂上知
天文下知地理中知人事可以長久而教眾庶者也何

謂天經所論陰陽八正天元五運六旨氣交五政六元
九宮八風歲露諸篇是謂天何謂地經之方宜海論經
水諸篇是謂地何謂人經之藏象經絡氣府氣穴骨空
師傳本藏通天天年營衛諸篇是謂人是其爲道也大
無外小無內統古今窮中外眞所謂綜貫三才包羅萬
有豈日者龜筮各執一偏之蓀可能同年而語哉固非
市井不學之徒所能假託也縱使搢紳文學思古之士
殫畢生三折肱九折臂之力又歷數世子姓曾玄相傳
不絕以世其業亦猶迎浮雲而視深淵可測而不可極
也美哉泱泱乎其大矣哉張仲景覽越人入虢之診望

齊侯之色輒慨然歎其才秀皇甫士安謂倉公之學出於素問素問論病精微其義深奧然則醫道之大可上接軒岐而開通筆路者其惟扁鵲倉公乎傳中扁鵲治驗凡三案倉公治驗凡二十一案其論鍼艾診法藥敘死生之理皆甚深微妙直與軒岐經中之古法同一條而共貫吾不知扁倉之爲軒岐乎軒岐之爲扁倉乎軒岐扁倉吾不得而二之矣惟史遷傳焉註者闕焉此有史以來醫門一大憾事也惜哉吾懼醫道之淪於方技也爲扁倉傳作補註以張之集解索隱正義一仍其舊著於篇凡三卷癸酉閏五月雙流張驥

史記扁鵲倉公傳補註上卷

漢太史令司馬遷撰

宋中郎外兵曹參軍裴駙集解

唐國子博士宏文館學士司馬貞索隱

唐諸王侍讀率府長史張守節正義

雙流張驥補註

索隱玉劬云醫方宜與日者龜莢相接不合列於此
後人誤之也

正義此傳是醫方合與龜莢日者相次以淳于意孝
文時醫奉詔問之又爲齊太倉令故太史公以次述

之扁鵲乃春秋時醫不可別序故引爲傳首太倉公次之也

補註太史公自序扁鵲之醫爲方者宗後世修序弗能易也而倉公可謂近之矣作扁鵲倉公列傳第四十五編次前後龍門自定正義臆說紛紛徒亂其例不可從也

扁鵲者

正義黃帝八十一難序云秦越人與軒轅時扁鵲相類仍號之爲扁鵲又家於盧國因命之曰盧醫也補注列子季梁子謁三醫一曰矯氏二曰俞氏三曰

盧氏揚子扁鵲盧人也而醫多盧廣韻姜氏封於盧
周禮夏官職方氏兗州其浸維盧左傳隱三年尋盧
之盟註齊地今濟北盧縣故城是盧在兗州齊地
盧醫者是也

勃海郡鄭人也

集解徐廣曰鄭當爲鄭鄭縣名今屬河間索隱案勃
海無鄭縣徐說是也

補註勃海郡漢高帝置治浮陽領縣二十六無鄭縣
扁鵲時亦無勃海

姓秦氏名越人少時爲人舍長

史記扁鵲傳補注
索隱劉氏云守客館之師故號云舍長也

正義長音丁丈反

補註周禮醫師注審用此者莫若扁鵲倉公漢書
義扁鵲魏桓侯時醫人史記云姓秦名少齊越人

舍客長桑君過

索隱隱者蓋神人也

正義過音戈

扁鵲獨奇之常謹遇之長桑君亦知扁鵲非常人也出
入十餘年乃呼扁鵲私坐間與語曰

正義間音閑



南京中醫藥大學圖書館版權所有

我有禁方年老欲傳與公公毋泄扁鵲曰敬諾乃出其懷中藥予扁鵲飲是以上池之水三十日當知物矣索隱案舊說云上池水謂水未至地蓋承取露及竹木上水取之以和藥服之三十日當見鬼物也

補註禁方秘方也禁居吟切音金力所勝也刼持也漢書藝文志有經方十一家二百七十四卷其曰通閉解結反之於平皆有力所勝與刼持之義經禁轉音義亦通今皆不傳時珍本草綱目引國策長桑君飲扁鵲以上池之水能洞見臟腑注云上池水半天河水也宏景曰此竹籬頭水及空樹穴中水也氣味

甘微寒無毒別錄主治鬼疰狂邪氣惡毒宏景云能
洗諸瘡甄權主蠱毒殺鬼精恍惚妄語與飲之勿令
知之藏器云槐樹間者主諸風及惡瘡風瘙疥癢宗
奭云半天河水在上天澤之水也故治心病鬼疰狂
邪惡毒諸說與索隱可互証故備及之

乃悉取其禁方書盡與扁鵲忽然不見殆非人也扁鵲
以其言飲藥三十日視見垣方人

索隱方猶邊也言能隔牆見彼邊之人則服通神也
補註說寶葉法善有鐵鏡鑑物如水人有病以照之
盡見臟腑中所滯之物卽此洞垣之類

以此視病盡見五臟癥結

正義謂心肺脾肝腎也六府大小腸胃膽膀胱三焦也王叔和脉經云左手脉橫癥在右手脉頭大者在上頭小者在下兩手脈結上部者濡結中部者緩結三里者豆起陽邪來見浮洪陰邪來見沈細水穀來見堅實

補註列子文摯謂龍叔背明而立曰嘻吾見子之心矣子心六孔流通孔不一達今聖智爲疾或由此乎類此素問陰陽別論結陽者腫四支結陰者便血一升再結二升三結三升陰陽結邪多陰少陽曰石火

少腹腫二陽結謂之消三陽結謂之隔三陰結謂之
水一陰一陽結謂之喉痺

特以診脈爲名耳

索隱診鄒氏音丈忍反劉氏音陳忍反司馬彪云診
占也

補註素問三部九候論曰脉有三部九候有上部中
部下部部各有三候有天有地有人也必指而導之
乃以爲眞上部天兩額之動脈上部地兩頰之動脈
上部人耳前之動脈中部天手太陰也中部地手陽
明也中部人手少陰也下部天足厥陰也下部地足



南京中醫藥大學圖書館版權所有
1651

少陰也下部人足太陰也下部之天以候肝地以候
腎人以候脾胃之氣中部之天以候肺地以候胸中
之氣人以候心上部之天以候頭角之氣地以候口
齒之氣人以候耳目之氣三部各有天各有地各有
人三而三之則爲九難經獨取寸口十八難曰三部
九候各向所主之然三部者寸關尺也九候者浮中
沈也上部法天主胸已上至頭之有疾也中候法人
主膈下至臍之有疾也尺在下部法而應乎地主臍
下至足之有疾也其診脈異同如此詳見三世脈法
中

爲醫或在齊

正義號盧醫今濟州盧縣

補註正義注見前

或在趙在趙者名扁鵲當晉昭公時

索隱案左氏簡子專國在定頃二公之時非當昭公
之世且趙世家叙此事亦在定公之初

諸大夫彊而公族弱趙簡子爲大夫專國事簡子疾五
日不知人

索隱案韓子云十日不知人所記異也

大夫皆懼於是召扁鵲扁鵲入視病出董安于問扁鵲



南京中醫藥大學圖書館版權所有